

范德機詩集  
淵穎吳先生文集

范德榘詩  
集七卷

四部叢刊初編集部

上海商務印書館縮印江安  
傅氏雙鑑樓藏影鈔元刊本

范德機詩集綱目



卷之一

卷之二

五言古體

卷之三

五言絕句 五言律詩

卷之四

卷之五

七言古體

卷之六

七言絕句

卷之七

七言律詩

至元庚辰良月

益友書堂新刊

綱目畢

范德機詩集卷之一

臨川 葛 難 仲稷 編次

儒學學正孫存善 如山 校刊

五言古詩

送張鍊師歸武當山

張君瀛洲人來作武當客始來武當時祇着謝公履  
 弟子百數輩稍稍采服役誅茅立萬柱空中現金碧  
 辛苦三十年夜卧不側席以之律鬼神故亦如矩墨  
 元年踰冬早朱火燒四國野谷方焦熬六月畿甸赤  
 朝廷亦不愛犧牲與圭瑩僵巫豎德史歌舞無消息  
 君時待詔來公卿初不識一朝傳天語問以濟旱策  
 君云臣鄙愚造化非所測陰陽有開闢此實智者責  
 公卿凌致辭物生孔今棘已初京兆尹取足輸粟帛  
 此如解倒懸祀事惟所擇君聞猶固讓心實內憂惕  
 飛章白玉闕瀝膳殫惆悵臣寔才淺數臣實學迹塞  
 臣有一寸心願輔后皇德后皇本愛民今早為厄  
 或者罪有由皇亦重開釋祈謝各有方呪禁各有式  
 上堂薦明水下堂考金石夜分請命既昧真大施設  
 為壇東市門經紀法靈冊庭中玄武旗飄飄墨黍黑  
 君臨一揮手怒髮上霄直指揮東方龍卷水東海側  
 指揮西方龍卷水略西極北南暨中央各以方率職

某日某甲子漏下五十刻我在壇上伺不得忤區畫  
 豐隆與飛廉列缺與辟歷汝將汝風馳汝遠汝雷擊  
 汝雲馮勿滴汝雨必三尺汝不從誓言不畏上帝勅  
 至期果響奮動蕩七日澤常時人所難君若不以為  
 公卿奏天子是必有褒錫可以寵籍名可以蕃服揚  
 君曰天子聖御造誠所格臣敢貪天功况在歸計迫  
 昨得山中書至自青溪宅向來百弟子遲歸在朝夕  
 暇時冬序半霜下木葉積明當課新伐結構西巖鏤  
 山田晚報熟芝朮及採摘猓猿長如人夜夜盜柿栗  
 隄防苟不豫六氣盡蝨賊公家事既已私事容棄擲  
 方知用世士遺世等糠粃所過如虛空焉知去留迹  
 我持一瓢酒欲以贈速色歲暮不見君悵望空中翻

奉同元學士以落月滿屋梁猶疑照顏色

為韻賦贈鄧提舉之官江浙一首

青天青如石星辰何處落適見北斗高忽復滯郊郭  
 感此流電驚行邁孰為樂况值杪春令清商動涼幕  
 芳宴候朋親驅車背河朔登高望四野下田畢新穫  
 於時不同賞惆悵睇雲岳古人有云然未契重交託  
 託契自有初相踰在結髮請持交龍鏡比似空際月  
 昔月三五盈今夜三五缺月盈自有時侯君采薇薇  
 采薇涉崇岡空筐不易滿季女懷朝飢日下光熾熾  
 豈無機杼思十句義一漈含婁就經緯意長絲緒短

路邊相識觀要入鮫人錯泣下仍成珠更苦哀歌緩  
 緩歌浮雲停急歌流水促水流亦有宗雲散漫成族  
 騎騎行路子離居振翠肅會合寧無期載感時運速  
 晨風懷寃林玄鳥辭華屋明發念飛蓬秋聲浙江曲  
 浙河名山水在昔最餘杭浩浩海負區地絕川無梁  
 執玉夸禹會帶甲宣吳疆慨彼仁義都風俗殊興亡  
 末代緩錄會周衝涕絲簧聞之虛廟闕斷兩生螢螢  
 幸及九域一四武樂時康游歷頃慎重勿用多殞傷  
 矧茲握新命出布堯文章雖當日月速足昭雲漢光  
 凄其金氣厲嘉寃方欲藏楊柳卧枉浦蕙葭委嚴霜  
 物情各有歸我獨不得將仰視雲中厲肅肅俱南翔  
 雲厲明天中回首頽齊州沙嶼重隸互竟復少遲留  
 欲知鳴厲心黍稻非終謀視彼羣飛者矢心良不猶  
 不猶將謂何豈復不如茲明年擇聖蹈既往無復疑  
 譬之駢蹄駒昂藏養雲安下乘歲百駕逸足誠歸誰  
 伯樂偶並世當受知者知長鳴待倚侶首路復安之  
 所之在東南斷水列風幡至人道吏隱出處惠兼妙  
 千莫居匣中千年逸神耀一朝持入手未言心相照  
 照之千里外如在尺咫間明夜夢見君怡怡越河關  
 惜去不須更念來亦循環古時岐路人何用涕潸潸  
 景叢草木斷帟豹啼空山方冰先春水野飯雜清灣  
 買觴斯魚鮮甫謝金鑿班此行竟遂媿亦慰親友顏

天目掃煙岫日夕飛禽還山中桂樹多庶為故人攀  
 攀花貽逸道詢美道中艱苦復無相忘報之獲白璧  
 美人如夫容隔浦無相識舊交日以遠新交當日得  
 各自有殷勤初不在容色俯水愧游鱗仰空慚飛翼  
 蒼苔執手地歲暮霜霰迫踟躕復踟躕悽惻重悽惻

寄謝周文學

周子雅孝友聲價動江隅有德斯有言新詩數道股  
 示余以詠嘆累日不知劬雅亡風亦衰賴爾亦區區  
 與子初識面青春滿洪都別來二十年王事勞馳驅  
 山澤念耆福風塵揚鬢鬢為知難屢中乃得此長娛  
 公園橘柚寒驥鳴感脩途發音詠隆施重見能來無

贈馮鍊師歸岳陽

王子吹笙侶精神如九秋整携碧山屐迷歎帝王州  
 江湖未識面寄語旋鳴駿夏雲逼幽湖春鳥啼芳洲  
 行色當及春景氣適惠柔眷將歸客膝日懷林丘  
 何時謝燕湖亦得西南游洞庭木葉下期爾岳陽樓

贈學正泚扶襯歸真定

朔風吹急水哀鴈絕天鳴送子川路遠浩蕩扶神旂  
 少年扶高藝求仕入皇京祖父通籍家蟬聯及第兄  
 奈何抱長痛鞠此霜霰情伯氏江外居心殫慈母驚  
 奉命持表來留連鎮陽城會言襄附事各復東西行  
 生養死當葬若為好爵嬰最子泣血日寡言收視嘗

尚愛千金軀以保百代貞

次韻古體二首

偶為浮朴語即有庶夷風在世能勿忤聊以古為同  
大巧三代人所拙辨偽工曲哉末學士妄擬述作功  
至性苟能盡焉得推盛隆先師予狂狷益憤失所中  
於時得依歸敢嘆吾道窮

聖道缺已久文不充其資自從夏殷承因革當從誰  
中更鳴鳥聞載嘆德之衰寥寥大師樂漫得存邗嵇  
大音苟有託不必稽其辭設有盈樽酒日夕斟酌之  
樂杯當在手自今不復疑胡為不復疑賢者當明知

和胡棧

三違江海春再見歲將夕開軒飭微風忽近戴陽節  
鳥鳴氣適和晨鷓亦稍集速歡不猶今萬事已逾昔  
緬懷命世士具為知所役翻知不賢名可足濟身策  
而我拙自藏流動日月積達觀良有餘仁者造其極  
播美明珠篇時草當更碧

貽李述魯編脩

悲風動日夜游子絕河山一別十年流四方幾時還  
憶子旅江外過余樵林藹曉色竹晡霽春容杏閣珊  
陽坡鳴赤鷄陰館未白鷗文義相割析宴飲亦循環  
吳星逐夢變楚月帶愁響自采燕薊中相望漢沔間  
初傳教下郡或道釣清灣起居雖未忘聲聞已難攀

明聖御八極震蕩折羣奸登賢弼制斷進士嚴刊刪  
倒澤起游詠技空集翻剝斯時麟見郊絕世驥在闕  
豈期脫布衣復得聯朝班始疑迹迹異方卒見意俱間  
惟此冰雪虛遠當雲霧闕紀載竹帛藏潤色綠綸頒  
儲才藏地閤抽思削天慳固當讓俊逸焉得委踈頑  
物化豈堪玩仙栖庶可板窟寐在靈嶽備徭愧塵寰  
碧草蒙潤沚青霞冠雲鬢長生願不負竟往事無歎  
常聞羽人言願落俗士頑早伐九節杖倚之聽潺湲

蒙恩供奉翰林未行改佐閩幕自豐城便  
道取疾隸樵過野與郡守謹侯會約尋麻

源不果明日別行

雙遠雲霞觀却希山水音珠星聯極下碧月動江得  
始集實氣序復越金晶岑馬欲樹連湖猿啼風滿林  
揚湖思汗漫聯領寫巖峯輟棹更垂釣推書時弄琴  
石門生夕景麻源籠曉陰是那遇賢守佳致契幽尋  
算粗迫清好短歌彰古心中宜鳳集泓下或龍吟  
頗愧塵務逼遠為旅病侵一行混吏執千載負國琛  
即往事莫究于故念方深始山如有意遂許一登臨  
上巳日文宣王廟陪祀畢歸西館作奉貽

儒宮諸同志

禮殿肅春薦齋居清膳鍾斜街屋斗轉阿閣霧煙重  
久去金華直雙依赤社封非才需教育希世念遺違

休風淺沫泗治日舒黃農深恩曷效報畢典幸追蹤  
繫繫金石列鏘鏘珂珮從飲福嬰多疾高卧對千峰  
昨夜書懷將行且書且賦因成十二韻

鉅海截上國危星轉清昊去來抵二極倪仰適周晨  
往鵬無遺影潛魚有縱鱗勁風山葉碎濃露草根勻  
卓彼趙李輩籌為唐冢臣忤恩非棄置知命有高屯  
妙句鏗金石荒臺蔓蒸薪憑高重回首懷古獨傷神  
記別玉堂夜來尋丹竈春常恐學仙侶亦猶辟世民  
蓬萊雖異隔即此是通津

上牛頭石望海

人謂此石險我言茲境佳日薰山氣動雷與浪聲偕  
平浦煙浩渺高林兩參差游魚依碧澗飛鳥却丹崖  
飲濁逞孤坐乘危費亂排稍知舒磊隗初不近排諧  
玄圃知何許蓬萊在所懷將尋白雲侶高處結茅齋  
重五日至西峽渡解后閩帥王侯盛祿山  
川之壯余謂可以為知矣亦復有賦渡

近方山之下

繫馬西峽間朝曦射厓赤城中見方山江上成亂石  
緣流感重險攬勢得鉅敵不有歌詠懷徒困馳驟後  
因之竊歎秋美哉此嘆息算醕清委住禁荔朱新摘  
紛靡異方俗卓犖同門客去去無久留薰風蕩南國  
送燕隱侍親之濟南

春晚川陸靜日高風雨收班衣隨授節畫鼓送行舟  
未知會面期寧識離思憂崇旌殿歸鴈柔櫓奮鳴鷗  
遠去遠四美幽尋考三周芟荷生歷下煙浪際吳頭  
設有采魚使因之寄樞游

西巖夜宿懷雷州幕府同僚

月出萬籟靜叢宿紫烟深解后逢清景飄蕭澄素襟  
久辭蓬萊苑漫憶嵩高岑掃雪待白鶴凌霄看翠禽  
如何較奇賞而此事幽尋雖負簡書畏還希金玉音  
送時泉移澗風疏星滿林願持千里意空外寫瑤琴  
奉同陳應舉月夜齋宿玉堂有賦五首

崇館肅玄閣虛扉敞彤碧詞林何蒼蒼國器皆奕奕  
顧惟樸樵材認忝忝文字從嘗僚負簡陋祇事深跼蹐  
於焉嚴明享况復在今夕  
奉禮慙明信欽誠資宴歇風露洒九天星辰逼凌闕  
屏聽非效聰規行殊改別春容放華萼宵影動林樾  
思君空中雲惠我席間月

幅員施廣圖輪魄昭碎像三后猶照臨萬代極瞻仰  
寶之在禁密本以肅靈爽豈伊程苾芬遂爾通脞璽  
洞洞乎其忠洋洋如在上  
塞直慕南董良明憲夔臯孰為非我事相命須其曹  
被褐竊寒素奉璋參俊髦王戲戴簡冊臣職放牲牢  
忠敬道無二笑談誼彌高



燭暗曙鍾遠詩成春漏沉古苔見隱約幽檜響蕭森  
白雪留寒色青雲延風心在闕諒當補唯賢庶可欽  
願逐西塘影長栖丹鳳林

袁州謁韓祠已宜春臺晚眺

采月泛脩渚凌晨訪崇臺曾堯叵地起疊觀凌雲開  
時須炎夏首斗柄從南迴四周翠嶽出六合清風來  
王明猶日月憲令若風雷惠澤綠郊樹陳蹤蒼澗苔  
鼓鐘代寔冥輪軫路徘徊聞茲守郡者自昔何雄哉  
百鳥見孤鳳衆星巖三台吏負鈞石寄法已豪分諛  
云胡舍臨眺遠揖謝英才

八月十九日城東辟喧孤坐書懷

始生值高秋久客感流年  
昧茲琳宇闕職彼滄海孺  
霧奮朝兩洩雲沉暑風遠避人非絕俗淹病寔妨賢  
助膺良辰會適使中情宣靜能驅百慮生已慕孤鶩  
焚香礼碧草種玉思藍田為得青鳥使馳歸王母邊

留贈黃明府

黃甫古傲使而多清白心屈身試下位載道發清音  
洗刷邑弊陋宣暢民滯湍荒村無吠犬秀隴有鳴禽  
淵明不醉酒子賤自彈琴未必盡師古何曾楚淪今  
裁詩俯碧澗羨樂玩虛岑清眠消白晝高視抵黃金  
我本江海人常聯桑梓陰携持粵山酒寤寐寐朔城砧  
鴻鶴歲月晚鯢鯨烟浪深還為異鄉別舉手一沾襟

孫海春入武寧道中

登高勢欲墜踰險心始領戒想適其恒經過何由騁  
汝雲行峻杉雲落池湖若玄蟬振山淒皓鷺團沙整  
火盼歸舟近况懷垂釣永豈不畏岩程無因攬流景  
烟霞縹至樂歲月深省百丈有幽期眷茲心耿耿

過梅尉祠下

梅尉清萬古許令騰八挺能官不必高高者迺其賢  
真材儲世用遺蛻或如蟬嘗疑說者謬何獨今不然  
斯人井窻處往往在林泉還丹誠可學但恐難為傳

七月初二夜洪州對月懷伯丈親舍

初秋公府肅明月到南軒開懷納清輝林影類溪園  
偶得塵氣靜萬籟此中存物生感氣機候蟲噪四垣  
心虛無所入起坐復何言猶云不如鷹飛逝越高原

和廉將軍邨居二章

居止簡物競頗受歲月侵誠願輸崑崙遊舉道浮沉  
時冬萬物斂野迥景載陰雉鳴穡在場烟火邨巷深  
兒女裁我前有酒聊自斟自斟何足貴得飲勝千金  
聖哲去已遠六籍傳其心受生敢不愛發憤據長吟  
念世居難終忘世亦易度今旦庭樹落空明見飛雨  
沉痾從誰解采草時自炷萬里無一歸願得妙者悟  
寥寥宇宙間舍此復奚慕

九日報熊敬典

羸疾卧江滸承君尉高秋木落鴈階淨天朗氣暄柔  
便了晨光中檢我沒蝓蚱呼童敬薦之風味宜南州  
憶昔容燕薊白雲從方舟於時見此物千錢三十頭  
打黃試新美爛醉天市樓一日食一百更為明旦謀  
三日困暴六傳笑諸公侯此邦試罕見初出愈難求  
矧當浮蔓日傾道俗如流厚價得兩整持之此琳球  
物有少為貴感事重綢繆奈何雷同者政復多優游  
欲折黃金花報君向滄洲此花苦未發少待歲寒酬

贈安西王提舉別

車駸何軋軋我去亦翩翩借問車中人幾時到秦川  
秦疆數千里西與雲棧連行人秣過馬猿蹄上青天  
長安古帝州宅土腴不偏聞君奮平昔宦游茲晏眠  
十齡涉文史十五懷家運二十學壯游五十綴朝聯  
奉常老掌故今已二十年功業晚何就蕭蕭髮垂肩  
天子念逢掖鈔官頗靜便紫衣縮墨綬此是車中綬  
飄飄上都門白馬錦連乾舉按青山孟光老猶賢  
大兒坐車軒小兒調馬鞭中兒又絕好國語荷珠圓  
旦夕俟君至買舍清渭壩此皆足尉意日食官俸錢  
俸錢足養親親自有圭田人生慕富貴富貴翻受憐  
不有鍾鼎食亦無膏火煎前日三市事目擊心凜然  
當時氣凌人不得呵烏奮觀君浩蕩去萬事當棄捐  
孔子不西行及河軌再旋今君涉河流西路方縣絲

終南與嵩華是中多神仙仙掌出浮雲上有三峯蓮  
真人玉柱杖掛在明月珷便當往泛之吸月升太玄  
金鼎交龍席使我神貌堅奈何二三月百憂集難筵  
空花如錦撲野色相交鮮楊花亂愁思萬條散青煙  
我不酌美酒敬讓故人先推碎琥珀杯獨洒春風前  
春風澹無言徒以別慮牽別亦無所慮所慮應當宣  
顧及相思時中腸壽數纏為吹髮紫燕銜書到君邊  
矯矯蕭微君珠貝藏龍淵一別如列星隨天夜移燿  
鳳有五色瑞時下岐山巔請君問起居歸未定何年

宿夏庄

陰晴知何如開戶月滿地主家種長榆竟夕薰風至  
半生朝市駭頗負山林意及茲登覽萎亦復纏世累  
棘籬臨大道嘶馬咬重緝衆臥復離披躊躇獨無寐  
江山轉窅落星斗亦連綴丈夫十載間豈獨鉛槧事

夏日奉酬汪使君

浮雲無時停浮雲有時停停雲在何方乃值初兩星  
我亦毒炎伏歡言酒盈餅解帶斟酌之醉已万慮輕  
飄飄翼長風便欲東南征林壑益青天上與霞霧爭  
安得徑至此念之觸中情使君新詩采陳義富且精  
私慙應涉淺如畜不充簾忘已量須進茲乃聖所營  
冰然內熱解始識道非名

贈方永耕往教重慶路

汲水得明月倒影上青天客行三十年未識蜀月圓  
中宵夢已蜀秣馬辭燕服成都雖云遠未到意已足  
遠意不可期宿夕宛見之雲迷飛鳥道雨急卧龍祠  
干戈何草草祗說渝州好但得渝州官甘就渝州老  
渝州古雄城彭君舊建旌至今江石上猶有古時名  
豪傑世已矣空城俯流水復有江東人來救渝州士  
方侯天機深大雅託遺音沈潛萬夫敵脫略五湖心  
翩然別我往長揖仙人掌疾風吹大旗落日明斜舫  
即此少相知相知長限思巫山桂樹發折寄定何時

冬至日

冬陰已解剝天運旋其初晨典理書策昉望周太虛  
織雲無凝停旭景亦已舒未知太史家偵言復何如  
古來聖明世不必徵其餘和氣乃致祥斯語端不踞  
太田黍稻滋秋事在蓄奮誓將理歸楫臨江卜吾廬

天冠山

江東有天冠山翠巒差峨浮嵐行縣郭鳥啼若笙歌  
古來有真人學仙雲岩阿丹成脫之去膺裝臨咸池  
年深化為石石色切星河至令剝風吹梁柱不偏頗  
羽人室其下歇見頂婆娑朝陽夏影縮秋月夜陰多  
吾欲散五丁撮之超滄波東掛扶桑枝此心諒匪它  
私彼日月光不可將如何天寒歲又晏雲露滴煙蘿

送吳真人持詔寧親

垂楊十二門旦旦羅鳴騶千騎萬騎中孰是違世儔

美哉吳夫子脫洒住丹丘氣涵羣象動思典萬物周

天馬出名駒逸態橫九州自從下地走但欲星河流

明月落中江倒影射斗牛飄然持玉節去犯蒼山稠

紫鳳把細華遠逸仙岩陬逸經三茅岑已登閣峰頭

還家拜封君玉冊珊瑚鈎笑問遊子衣不獨五色優

門縣朱雀於坐攤金明袞開筵池芳醴炮觴進庶羞

承顏開淵訓慰爾道路脩爾歸奉天子萬歲更千秋

番君大國壽賀老清湖愁煙水三萬頃宮袍在扁舟

荷花合古渡此處不夷猶雲錦雙鴛鴦悠悠藏汀洲

東風長年采揚我蘭檻幽白馬絡金羸奈此甚盛休

儂家閭峯下霞竹敷稻疇鶴集偃松雪青雲互綢繆

自從千戈餘川岳秋蕭騷骨肉倚四海風雲擾吟詠

聞君渡此去浩蕩懷今游罷酒黃鸝鳴高華艷城樓

良辰難能別嘉會易為酬至樂夫子行子行無滯留

贈揭景哲茂才別

司揭本楚官子孫以官氏揭陽漢建侯氏寔出於史

同源而異流流各殊其源泛舟在中河安得窮崑崙

驅馬燕山市路逢子揭子為我述其先本自司揭始

及子盱徒洪著與揭陽通以茲究其源頻海而南東

南東煙濤惡將身犯蛟鱓逸拜故侯墳遺蹤尚如昨

歸來見翰林贈以雙南金集賢亦敬嘆高文留賞音

二公天下士亦庭階美胡不挽家德黃朱耀閭里  
九萬扶搖風相者尚轉蓬高樓有橫笛送鴈上長空

贈李端朝別

驅馬別舊故舟楫麗城隅欲復少欵叙子云不可湏  
哀茹激長雲羣飛滅霄衛孟冬猶溫風鄉此川途迂  
賢良策上第再命出南區沉沉大藩府勤事以馳趨  
幸接江湖歡豈期流次殊一朝遂西東何以慰踟躕  
高霞映列嶽寧不卷名都解組翁清譽在德由豈輸  
要當給餘用初終保瑾瑜

散步還南軒

幸自塵鞅絕起游欲何之江遠夕氣澄開軒納新詩  
泓難振陽砌蟬蛸結陰地珊珊脩木靜宛宛好風遲  
桃李競秋園旋隨時草萎寧不悅生植肅殺乃其宜  
於斯見發育及深霜露思嵇康本達節竟受薄俗嗤  
快哉東方生朔哈得吾師

市汜水驛候邑更不至北亭書懷

端坐息萬慮於此道心存江沱歸鴈集楊柳落柴門  
刻符期邑吏日晏已成昏相望不百里曹莫思崩奔  
以為公家湏緩急義所敦嘗抱慢令戒空渡嬰慶煩  
藩羊蹂嘉蔬頗傷主者恩雖非四鄰物祛除奚討論  
小橋通北亭潤潤青煙綠未明復采日整得辟塵喧  
塵喧不足辟班馬在丑樊遠想高堂君迺將反中園

發富州

驚拙詠承乏巡游至茲邦登危始出幽歷覽見長江  
不與夷曠會焉得壯心降力小而任重民憂正紛靡  
斯須舉隱憑顏俗何由扛初下豐水舡爽氣夕浮窗  
柔槽奏長風中流鳴鶴邊景晏川色淨巖濬縣漁缸  
行止欽聖則胡能守株椿

寄劉椽

住典魏廬亘談君在直廬會時春月和省事重如澗  
聞子大夫椽廉厲久猶初翼孤陔馳驅不能枉尺書  
建康古名都自昔帝王居陳迹今具在斯人定何如  
清吟足度日美飯可無魚勿論爵祿事於此自有餘  
廟堂議賢寶匱美常安舒我我惠文冠四海將誰譽

嘉澤

嘉澤徧羣物山郭餘寒收日臨公館靜聊足散優游  
古松含晚秀春桂吐新柔樹榦鳴語和苔送蛸行周  
念彼農畝士生涯託岩幽雖無第賢亦免曠疎憂  
而我委素業布衣以教游認通金閨籍一志旅荒陬  
還歸吏鄉部胡寧心不休深承采菲意終負伐檀羞  
庭闈通江外何時泝扁舟誰能違天命且復盡人謀

度澤過關山

單車度大洋有似游梁山初飛鴈鶩徒屏在葭葦間  
季冬陰風盛雨霰紛珊珊念我離大府行役何時還

朝臨昌邑浦夕指番禺樹泥赴農村老屋夜不闕  
然薪故供帳風味猶百蟹蒸烘濕衣裳徒御相回環  
極知道路難尤念奔走躑傳餐遠明燭飢渴未容慳  
春和理稅駕且以慰衰顏

古干將

爰爰古干將經世不再見豐城匣已空龍亦久當變  
百怪日夜出思爾一斷刺裝佩美紛紛不尔真百鍊  
又恐百怪飛翻著它人身麒麟或失所魍魎氣益神  
不如且深藏慎勿干星侵我敬干將行庶為君子陳

頌句曲

朝望頌句曲青素被原野牛馬何茫茫盡在大隄下  
隄高容可隱河水隄上流年去復年來青蒲送行舟  
借問行舟裏誰是回鄉客燕趙與東吳懂懂競晨夕  
山中有老人白髮不可量自不緣年壽何因爾許長

沂澤水有懷在京二三子

晨發宜姑諸遠遶沂黃流天清鉦鼓和橋櫓隨川浮  
南征卜利涉陽春適三周野花明遠川時禽詠芳洲  
麥苗已含秀蘆笋亦吐柔一行被明命豈不職思憂  
時物已具變未得吾行休眷眷二三子秉德聿宣猶  
密高諒能泚大業非人謀惡乎報終令庶以舍山丘

勸采粟

靈鶴空中垂栖我庭樹枝樹高不尋丈下有美丸兒

朝騎庭樹府莫仰樹葉窺寄巢欲生子值此將焉為  
是以舍巢去拮据忍如遺青天覆上林何息非所宜  
物情非有異念亦願其危倘逢愛護者鶴有漫來時  
鶴戲但報喜說似主人知

盧鴻

在昔有志士隱居嵩高峰行義架四海矯若人中龍  
天子念治具詔書訪踪蹤既來亦竟往去就何從容  
架巖結茅堂虛砌巖燕封身雖草土間道為世所宗  
攀磴采石華引手接雲松朗揖謝污瀆長笑紫煙重  
不能諧聖君豈徒愧萬鍾安得起斯人千載已相從

和會楊茂才

始我南山居典子共朝夕服事子尊君德義藹宿昔  
焉知二十載萬變如頃刻漁釣負平生浩蕩隨河適  
進慙負官我退愧尋幽迹而此山水間時動問消息  
夜深欵巖扃難月在屋翼清言溢前聞子學日有力  
世好將未忘相資庶有得

春鴈

卷卷九春鴈整列鄉天端雖念洲渚幽已達霜雪寒  
牽行旅陽土亦為稻梁難嗟食曾未充知時詎能安  
銜蘆領孤雛蕭蕭理涸翰明年還當賓勿與中路歎

范德機詩集卷之一

范德機詩集卷之二

五言古詩

韓山曲

韓山白雲下，遙見翠竹祠。其祠何代人，云是宋君時。  
里中有周氏子，孝母深慈。所以樂慈母，不吝千金資。  
為母築別館，白帶好園池。母曰：我暇日臨眺，良歡怡。  
夾山為壽藏，先汝蓋於斯。及先如母言，攀恨無窮期。  
即館奉母容，洒淚松柏枝。至今空澗阿，幽鳴鶴枝悲。  
故老更為語，母訓猶父師。子亡孫已賁，孫漫昌書詩。  
紫衣要黃金，侍白玉墀間。歲万里至，展省甚光儀。  
流水莫自急，浮雲有餘思。誰能和此曲，為繼棘荆辭。

二杏甲寅

北鄰杏一林，身作龍盤拿。直上青天中，虛空高結花。  
南隣杏更好，枝幹相交加。三月二月時，匝地堆紅霞。  
自我來京城，寄居諸公家。其地僻自阻，茂樹繞臆紗。  
亦有桃與李，盛節爭豪華。雖富無可人，紛紛亂如麻。  
晚遇此二杏，突兀超塵沙。嘗時好客來，立旆遙咨嗟。  
欲去復顧戀，往往至日斜。我昔詞館直，羸馬道路賒。  
晨往昏歸，歸元由領其嘉。今我已投散，終日猶枯查。  
朝暮出見之，百匝虛簪牙。而我又將去，何由報繚葩。  
誓將適南郡，辟地江之涯。種此一万樹，漫漫被荒遐。

花成實給食收拾歲盈車，此事亦易集。但恐君疑誇，

贈別白忻州

昔年上都門，送君作太守。今年太守來，失喜狂欲走。  
問知郡中治，稱寃不容口。強欲對酒，奇愁引杯去。手  
古來選郡監，本為好惡糾。豈宜肆其私，鍛鍊易妍醜。  
幸逢賢執法，白日雲霧剖。快馬歸并汾，且以慰慈母。  
失身落州縣，故事元不有。君子善奉持，九百淋漓浚。  
排難典解紛，吾愧曾連友。明年江之南，得寄消息否。

檢校菊吟

百花已爛熳，虐雨更及晨。疾風吹青空，好日虐芳鄰。  
自知園居僻，少與蘇會親。編籍種黃菊，元不計秋春。  
昨朝新芽吐，大葉已輪困。軒昂各有意，未謂非其神。  
故廬陵雲下，苦壤多荆榛。孤芳久不見，賞酒問遠人。

雨後山莊圖

川容鹿過兩，百谷會新流。溪路凌高轉，佳木鳥鳴幽。  
我田橫岫下，黍稷歲可收。不謂有生意，乃漫見將秋。  
時從野老飲，敝語載道周。宇宙無終極，此外更何求。

道靈巖峽宿共都人家

野飯寄峽寺，重過已三秋。雖若涉降險，頗惟臨眺幽。  
風翻白練帶，樹響黃栗留。窟宅有主人，元復議先猷。  
向者之名園，老木陰相繆。青山入坐席，白水抱門流。  
自傾雞黍載，感古心悠悠。

谷口散著

谷口月上漁火出橫塘門前稻畦蛙龜襍風篁  
童州美山墅令茲白髮長新婦稍結構日俟江海涼  
琴書散衙宇藥物布滿床謝告未緣衰以疾不得將  
維時仲夏半織女當西堂常恐梧桐落莎雞戒衣裳  
平生荷承志經歲失豐穰此行庶無負海內膺時康

登石城驛亭

南游未是謫北行不當歸今旦能崇岡飄風吹衣  
姑我在京時凌閣數秋暉別采守窮海故國音書稀  
窈祿滋媿負何時親紫麻胡不依白日去即能如飛  
驛樓俯平川其下白雲圓兩餘足稻謀可以信豐飢  
去去道路遠王事毋稽違

鏡園吳氏晚香堂

大江秋侶練楚樹落清曉巖隙不逢人翩翩數歸鳥  
鏡老度宇靜湘水黃花繞爛錦照天朗繁錢承露小  
何當鶉鴉鳴誤識春事了焉知歲寒安獨立西風表  
乾坤有清氣欲少未易少搖落莫春期美人烟霧香

立秋日分司書懷

清晨鐘鼓鳴海角金氣應芳樹哀蛸歇凜節亦已微  
如何向序午盡熱尚吹飈是宜起居謬不典安養稀  
逆川无回波駕馬少返乘蒼髮耻虛名工園激高典  
飄飄百年內過者已踏躓強學而有成庶以道自贖

將赴江洲大府校進士試會疾止建安驛

後山東眺郡城作十二韻

青雲建安郡人物故鍾秀承旭開芳樹凌虛列遙岫  
溪麓涌夜長石角吐秋瘦漁沙府喬識仙室川浸溜  
征塵汨炎毒服事弥奔奏淡淡鴻鵠舉蒼蒼鷹隼候  
山英若在淪館飯薇登豆勤渠相國誼忝竊大夫激  
願惟論賢能美取推寡陋吾欲勅五丁雷電激宇宙  
疾飛移万壑及此洗昏疾起為梅子真南厓掃丹白  
送舍里麻廉訪使有序見文類

龍節倚皇皇六轡忽如流聖主命大吏出按東南州  
東南何所有榕荔蔽山丘深潭有險跋履淺有佳教游  
綉衣闌庭戶法署若瀛洲提封憲令行霜日浮高秋  
公來天為懽公去海生愁渺渺眾庶望為我少淹留  
郊亭接烏石楊柳蔭清溝鳥哢方覘曉花林漫綉繆  
吾聞古君子弗替進退憂昕朝正當膺庶用慰忠謀  
肇慶李知事會別至峽上阻風因以懷李  
取別非云莫王事有程拘臨流逢執手復念野踟躕  
季秋北風急遙送別方艤出峽江始放迢迢波浪數  
仰天覺形全俯地會心娛登得珪組解樂與漁樵俱  
撫事悉解后廻翔且須吏滿秩不受更竟行諒非愚  
贈李兄提舉之官豫章  
公孫閣下士多侶曾諸生昨者聞高誼茲行起盛名

文亭南斗近征旆北風輕余亦懷鄉郡令猶滯帝城  
闕河驚羊面霰雪念孤征芳宴絲簧咽新詩錦繡成  
長途心果怯令節眼增明渺渺飢鷹度蒼蒼旅鶴鳴  
露凝秋浦白雲散夕堂清是物閑流動何階計合并  
會須榮桂楫相共愛尊羹徐儒亭前水因之幸寄聲

立春日和王翰林

北斗紅雲上西成皓雪邊歲華今若此宦味故依然  
節輜荒冬後寒驅挾日先樓臺通帝極井散落人烟  
登眺臨無際歡娛信有年客情閑外地農事度陰田  
只有傷強促那能効後穿幾時歸棹社盡日接芳筵  
寶鼎昇平瑞金播淡蕩妍迤迤朱鳳集潇洒白鷗眠  
逸業嗟何就高名賴必傳道雖沾世用意漫逐時遷  
顧遇煩頻故欣榮頗倍千江湖萬里典爛熳百花前

寄福建杜廉訪使君

梟府群王表言官百世公君王咨稷高臺閣起黃龔  
吳越聯閩服蠻夷偃漢風九州諸道石一柱衆流中  
席豹精神肅豺狼道路通青冥行勁銳白日貫清忠  
斧鱗飄秋隼泉阿達夜豸壺冰元自潔瘴雨不勞空  
賤子嗟何幸微心誓盡躬望果方切切告別匪匆匆  
祇為文科重尤慙祖饒隆容魂銷海鶴病骨碎溪蛩  
謬敢辭王事私嘗泣老翁髮緣思母白顏每應人紅  
倘伏晏倫薄其如祿養豐以茲三選撫猶獲二天蒙

上幕刑維間滄洲道未窮請將心萬疊寫入嶂陽桐

贈翰林宅山水圖

敏絕丹青手駟馳翰墨揚力能移地軸藝直破天荒  
素屏清風起蒼厓旭日光喬林支混沌巨石偃滄浪  
鶴背夫容影牛頭薜荔香參差殊不誤弄峭亦非常  
仙去遺真館人承倚釣航向知萬里近不費一牛忙  
擬乞丹沙洞長弄碧草柳松喬如可及結友更何方  
奉觀百官迎香輿出南郊

聖治尊皇極天章遠紫微禮宜崇報祀時則重瞻依  
吉日初蠲策因工肆太祈相君蒼玉珮卿士赤金圍  
高管寒猶混清報畫漸稀合薌果止開數隊出南畿  
夜雪旆旆過晨烟沈沈飛難叨惟帝澤獨敬在天威  
禮樂寧元述舟般合有歸從知堯德大不外贊巍巍  
和謝友人惠范君用筆

毛君好伯仲枉駕及東堂盡縛曾元竿蘇軾同行倍  
有光欲飛隨燕上木化學龍藏盛賜懷不璧斯文託  
一芒姓名渾偶合潤色奈何當且効峨眉老題詩西  
上陽

詠古

五言在王國安所雕琢工華及魏李輩猶復相冲融  
往還離別者人情之所同正教始微茫與世狎行隆  
遂令天地產山川與雲風鬼神百物怪屈曲歸磨礪



組繪麗群巧爭以為長雄雅道日以晦六義誰折中  
後无述作者仰止泣麟翁

贈別羅元友教授之應昌

翩三郡博士騎馬涉長道居庸關門北仲夏綠茂草  
應昌信殊僻宅近今豐鎬雖當清冽鄉足以消熱惱  
天家振文治造士克國寶延攬必時髦如何戀芹藻  
驚風吹過雨川水白浩二但祝慎馳驅歸來顏色好

感興

龍駕迴層霄陰伏照光聖人一萬歲有道過唐唐  
我與二三子群珮爭翔翔玉京陳義問金匱發冥藏  
春容麗藻繪晨色汝孤芳停思候物媚沉思鬱難當  
願及西北風馳之通建章

袁州謁韓祠已宜春臺晚眺

乘月泛脩渚凌晨訪崇臺曾堯匝地起壘觀凌雲開  
時須炎夏首斗柄從南迴四周翠嶽出六合清風來  
王明猶日月憲令若風雷志澤綠郊樹陳蹤蒼澗苔  
鼓鐘代舜窳輪軫路裴徊聞茲守郡者自昔何雄哉  
百鳥見孤鳳眾星麗三台吏負鈞石守法已豪分該  
云胡舍臨眺遠揖謝英才

四月朔經楊林作詩奉命宣布郡縣值大水  
蠶麥俱盡深念民生

吉日涉大川單舟若鴻毛搖二遇順風泛二凌雄濤

已過赤岫渚復宿楊林阜權師何心術在險益无勞  
受命未踰期觸目歎所遭蠶熟麥再空萬口聲哀救  
年時有災地白屋皆湍二不能補分寸奚用徵秋豪  
論言本温厚下布肅官曹奉宣吾職尔庶用採蕭騷

八月十五日公堂讌別作

悠二我行邁去此粵山端遲名駐征車爰盡公堂觀  
開筵俯城郭蕭鼓集儀鸞謂欲戒醉飲重此良辰難  
關門集會府僚友並征鞍更辭无別語但祝長加食  
役者四五人相從出林巒亦復路徬泣豈獨殊肺肝  
况我离慈母朝莫偵平安送行各如許焉得不辛酸

秋日海康齋居

吟事久已落茲辰遇高秋冷二空中籟襲我書帷幽  
如何寒暑疾徑與大江流江流不復轉歲月已還周  
游子去京華邀在天盡頭胡鷹不踰領眷二非良謀  
排雲挹飛觀金爵露光浮在遠心所仰胡為滯滄洲  
茅屋足草花洵美難久留苟能一吾志斯道將何憂

懷丹丘奉寄元尚書

舉酒撫往日酒盡得離愁初謂歸心迫海天今已秋  
虎豹守玉闕宮殿天上頭青春白日麒麟鳳俱來游  
廣成攝四象安期扶九州下視汗濁世漂轉空烟浮  
仙人要我來招我住丹丘豈非交不信景晏此淹留  
明日鼓桂楫徑泛星河流高樓有長笛黃葉下滄洲